



DEPUTACIÓN PROVINCIAL
A CORUÑA

Servizo de Promoción Económica, Turismo e Emprego

Referencia: DP0040 / 2026

Expediente convocatoria: 2025000035016

RESOLUCIÓN POLA QUE SE AVOCA A COMPETENCIA PARA A APROBACIÓN DAS BASES REGULADORAS E SE APROBAN AS BASES E A CONVOCATORIA DO PROGRAMA DE SUBVENCÍONS A CONCELLOS DA PROVINCIA DA CORUÑA PARA REALIZAR EVENTOS DE ARTE PÚBLICA URBANA NA MODALIDADE DE PINTURA MURAL DURANTE O ANO 2026 (DP0040 / 2026)

Don **VALENTÍN GONZÁLEZ FORMOSO**, Presidente da Deputación Provincial da Coruña,

ANTECEDENTES

Por resolución número 29325, de 24 de xullo de 2023, o Presidente delegou na Xunta de Goberno entre outras: "A aprobación das bases de subvencións, cuxa competencia corresponda inicialmente ao presidente".

Tendo en conta a data da convocatoria da próxima Xunta de Goberno e considerando a urxencia de aprobar as Bases reguladoras do "PROGRAMA DE SUBVENCÍONS A CONCELLOS DA PROVINCIA DA CORUÑA PARA REALIZAR EVENTOS DE ARTE PÚBLICA URBANA NA MODALIDADE DE PINTURA MURAL DURANTE O ANO 2026", e vistos os informes do Servizo de Promoción Económica, Turismo e Emprego, da Secretaría Xeral e do Servizo de Fiscalización e Control Financeiro,

RESOLVO:

Primeiro. Avocar a competencia que, con carácter xeral foi delegada por resolución número 29325, de 24 de xullo de 2023 na Xunta de Goberno, e considerando a urxencia da aprobación das Bases reguladoras do "PROGRAMA DE SUBVENCÍONS A CONCELLOS DA PROVINCIA DA CORUÑA PARA REALIZAR EVENTOS DE ARTE PÚBLICA URBANA NA MODALIDADE DE PINTURA MURAL DURANTE O ANO 2026", que ven motivada pola necesidade de que as persoas destinatarias poidan facer as súas previsións respecto do obxecto da subvención neste programa para o exercicio 2026 coa suficiente antelación.

Segundo. Aprobar as Bases reguladoras do "PROGRAMA DE SUBVENCÍONS A CONCELLOS DA PROVINCIA DA CORUÑA PARA REALIZAR EVENTOS DE ARTE PÚBLICA URBANA NA MODALIDADE DE PINTURA MURAL DURANTE O ANO 2026", que figuran no Anexo - Bases Reguladoras.

Terceiro. Dispoñer a publicación das bases deste programa no Boletín Oficial da Provincia da Coruña.

Cuarto. Aprobar a convocatoria do PROGRAMA DE SUBVENCÍONS A CONCELLOS DA PROVINCIA DA CORUÑA PARA REALIZAR EVENTOS DE ARTE PÚBLICA URBANA NA MODALIDADE DE PINTURA MURAL DURANTE O ANO 2026, de conformidade coas bases reguladoras que figuran no Anexo - Bases Reguladoras.

O prazo de solicitude iniciárase ás 08:00 horas do día 21 de outubro de 2025, e finalizará ás 14:00 horas do día 21 de novembro de 2025, tendo en conta que, tanto as solicitudes como o resto da tramitación do programa, realizarase por vía telemática a través da plataforma SUBTEL, accesible dende a sede electrónica da Deputación Provincial da Coruña.

Quinto. Remitir esta resolución, así como o extracto da convocatoria conforme ao Anexo - Extracto da convocatoria, á Base de Datos Nacional de Subvencións (BDNS), para a súa publicación a través do Sistema Nacional de Publicidad de Subvenciones y Ayudas Públicas, de conformidade co previsto nos artigos 17.3.b e 20.8.a da Lei 38/2003, de 17 de novembro, xeral de subvencións, publicación que se tramitará como urxente.

Sexto. Dar conta desta resolución á Xunta de Goberno.

Contra a presente resolución, que pon fin á vía administrativa, pódese interpor, alternativamente, recurso de reposición potestativo, no prazo dun mes perante o mesmo órgano que ditou o acto, ou recurso contencioso-administrativo, perante o Xulgado do Contencioso Administrativo da Coruña no prazo de dous meses, a partir do día seguinte a aquel no que teña lugar a notificación. Se se optara por interpor o recurso de reposición potestativo non se poderá interpor recurso contencioso administrativo ata que aquel sexa resolto expresamente ou se produza a súa desestimación por silencio.

Todo isto, sen prexuízo de que se poida exercer calquera outro recurso que se estime pertinente.

ANEXO - BASES REGULADORAS

BASES REGULADORAS, EN RÉXIME DE CONCORRENCIA, DO PROGRAMA DE SUBVENCÍONS DIRIXIDO A CONCELLOS PARA REALIZAR EVENTOS DE ARTE PÚBLICA URBANA NA MODALIDADE DE PINTURA MURAL DURANTE O ANO 2026

Datos do programa

Unidade xestora	Servizo de de Promoción Económica, Turismo e Emprego
Sección	Sección de Promoción e Desenvolvemento Turístico
Anualidade	2026
Denominación	Programa de subvencións dirixido a concellos para realizar eventos de arte pública urbana na modalidade de pintura mural durante o ano 2026
Beneficiarios	Concellos da provincia da Coruña que realicen este tipo de eventos
Programa	DP0040/2026
Aplicación orzamentaria	0510/4321/46201
Importe da convocatoria	150.000 € Este importe poderá ser obxecto de modificación orzamentaria.
Importe do orzamento de gastos	Até 43.750 €
Importe da subvención que se vai conceder	Máximo 35.000 €
Importe solicitado	Até o 80% do orzamento de gastos subvencionable
Coeficiente de financiamento	Máximo 0,8
Gasto anticipado	Si, será de aplicación o establecido na Ordenanza xeral de subvencións e transferencias da Deputación da Coruña

Exposición de motivos

A Deputación da Coruña, no marco das súas competencias, destínalle importantes recursos á actividade de fomento, principalmente mediante a concesión de axudas económicas destinadas a promoción de actividades, investimentos e promoción dos eventos tractores de fluxos turísticos que atraian, visibilicen e consoliden turismo de calidade, pernoctas e fidelización. Neste eido, o desenvolvemento de eventos relacionados co desenvolvemento de programas de arte pública urbana na modalidade de pintura mural consolidan un perfil de visitante atractivo para a mellora do turismo provincial.

BASES

Base 1. Réxime xurídico

O marco normativo polo que se rexerán as subvencións concedidas pola Deputación é o establecido na Ordenanza xeral de subvencións e transferencias da Deputación da Coruña e na seguinte normativa específica:

Lei 7/2011, do 27 de outubro, de turismo de Galicia e normativa de desenvolvemento.

A presente subvención está incluída no plan estratéxico provincial de subvencións da Deputación 2025-2027 e contribúe ao logro dos obxectivos incorporados no dito plan, en particular ao Obxectivo Estratéxico 6. “Promover o turismo local e provincial” e aos seus obxectivos operativos O31 “Apoiar o desenvolvemento da actividade turística como xeradora de riqueza local” e O33 “Apoiar o desenvolvemento e consolidación de produtos turísticos estratéxicos”

Base 2. Obxecto e finalidade

A Deputación da Coruña convoca esta liña de subvencións como parte da súa política de apoio ao turismo cultural a través de eventos de arte pública urbana na modalidade de pintura mural, facendo fincapé na potenciación do “street art”, traballo que realizan na rúa un conxunto de artistas que desenvolveron un modo de expresión gráfica mediante o uso de diversas técnicas, que se afasta do clásico graffiti.

Esta corrente, en marcha desde os anos 90 en grandes urbes mundiais, deu pé a visualizar un produto turístico atractivo, unha alternativa para dar a coñecer un destino desde outra óptica, alcanzando un determinado tipo de cliente ao cal aínda non puideran acceder, ou ofrecendo outra alternativa á súa xa consolidada clientela turística.

O obxectivo é potenciar todos os eventos destas características que se están a desenvolver e asentar ano tras ano en concellos da provincia da Coruña para atraer e fidelizar un turismo cultural, familiar e de alto valor económico para a provincia.

2.1 Obxecto específico

As axudas obxecto da presente convocatoria refírense ás actividades para o desenvolvemento de programas ou eventos (festivais, certames...) de arte urbana na súa modalidade de pintura mural que se desenvolvan en calquera dos concellos da provincia da Coruña durante o ano 2026 e que acheguen un mínimo de 3 obras exteriores orixinais en grande formato (mínimo 16 metros cadrados), de distintos artistas ou colectivos de artistas na edición do presente ano.

Enténdense por eventos de arte urbana na súa modalidade de pintura mural, e serán obxecto de axuda aqueles programas, certames, festivais ou calquera outro formato con identificación e marca propia e recoñecible, programación diversa que aglutine diferentes propostas artísticas, organizado periodicamente, con data de celebración consolidada e orientada á consecución de públicos amplos ao redor dunha proposta de contidos coherente e definida.

Serán obxecto de axuda os seguintes conceptos:

- Honorarios dos artistas participantes.
- Gastos en materiais e infraestruturas necesarias para a execución das obras de arte (guindastres, elevadores, estadas, arneses, rodets, paletas, compresores, cintas de carroceiros, ou calquera outro análogo que se use neste tipo de traballos artísticos).
- Gastos de xestión (dirección, produción e comunicación).
- Edición e impresión de materiais gráficos, aplicación de TIC, gastos en publicidade e comunicación e gravación de audiovisuais.
- Gastos de desprazamento, aloxamento e manutención dos participantes.

2.2 Ámbito temporal

Actividades realizadas entre o 1 de xaneiro e o 31 de decembro de 2026.

Base 3. Solicitantes

Poderán ser beneficiarios desta convocatoria os concellos da provincia da Coruña que desenvolvan programas ou eventos de arte urbana na súa modalidade de pintura mural, cun mínimo de tres edicións de antigüidade e que a última, previa ao obxecto da presente convocatoria, se celebrara con posterioridade ao ano 2022.

Base 4. Gastos subvencionables

Conta	Descrición da conta, segundo o Plan Xeral de Contabilidade
602	Outros aprovisionamentos
607	Traballos realizados por outras empresas
621	Arrendamentos e canons (arrendamentos de maquinaria, vehículos, locais ou instalacións, dereitos de autoría)
624	Transportes (gastos de desprazamento dos participantes)
627	Publicidade e propaganda

Consideracións respecto aos gastos subvencionables:

Na **conta 607** - Traballos realizados por outras empresas, inclúense:

- Traballos necesarios para o proxecto encargados a outras empresas.
- Os gastos de mantención e aloxamento necesarios para a realización da actividade.

Unicamente se admitirán xustificantes correspondentes a actividades realizadas entre o 1 de xaneiro e o 31 de decembro de 2026.

Os xustificantes de gasto terán que estar expedidos nos períodos sinalados.

Non obstante, naqueles casos nos que as actividades fosen realizadas no final do período da convocatoria de subvencións, poderían admitirse os xustificantes (factura ou documento equivalente) que fosen expedidos ata o día 16 do mes de xaneiro de 2027.

Base 5. Compatibilidades e exclusións

Non serán obxecto de subvención:

5.1.- Os concellos que contaran con subvención da Deputación da Coruña para o mesmo programa ou evento durante o presente ano 2026

5.2.- Os gastos que non se correspondan co obxecto específico da convocatoria.

As subvencións outorgadas nesta convocatoria son compatibles con calquera outra subvención provincial para a mesma entidade beneficiaria, e para o mesmo período, sempre e cando non sexan para financiar o mesmo obxecto.

Base 6. Forma e prazo da solicitude

A forma e prazo da solicitude regúlanse na Ordenanza xeral de subvencións e transferencias da Deputación da Coruña.

Cada concello só poderá presentar unha única solicitude..

Os datos persoais facilitados serán tratados pola Deputación da Coruña, como responsable do tratamento, co fin de levar a cabo a tramitación administrativa dos programas de subvención. As persoas interesadas poden exercer os dereitos de acceso, rectificación, supresión, oposición, limitación ao tratamento e portabilidade dos datos a través da sede electrónica da Deputación da Coruña ou presencialmente nos lugares e rexistros establecidos na normativa reguladora do procedemento administrativo común. Máis información na [Política de Privacidade](#) da Deputación.

Base 7. Compromisos e obrigas

Ademais dos requisitos dispostos con carácter xeral na lexislación básica estatal e autonómica ena Ordenanza xeral de subvencións e transferencias da Deputación, as persoas beneficiarias, deberán cumprir cos seguintes compromisos e obrigas:

7.1 - Difusión do apoio da Deputación. A comunicación, información e publicidade (impresa, informática ou audiovisual) derivada da realización destas actuacións deberá levar, en lugar visible, a imaxe corporativa da Deputación. Para estes efectos, deberán incluír o logo da Deputación da Coruña, de conformidade co seu manual de identidade corporativa. Os custes desta publicidade correrán a cargo da entidade beneficiaria da subvención.

7.2- Comunicarlle á Presidencia da Deputación da Coruña e á sección de Turismo, con carácter previo, a presentación das actividades subvencionadas e campañas de promoción relacionadas.

7.3.- O concello debe ter as licenzas, autorizacións e procedementos de aprobación preceptivos para a xestión das obras vinculadas á presente convocatoria.

7.4.- Para acadar a condición de beneficiario o evento deberá ser paritario no xénero dos artistas convidados, polo que non poderá ser inferior da porcentaxe 70-30 en ambos xéneros.

7.5.- Non se poderá presentar máis dun programa ou evento por concello.

7.6.- Os programas ou eventos deberán estar aprobados debidamente por parte do órgano correspondente.

Todas estas accións deberán axustarse á ordenación urbanística e á normativa sectorial vixente.

Base 8. Valoración das solicitudes e procedemento de concesión

8.1 Procedemento de concesión

A concesión das subvencións realizarase mediante réxime de concorrència competitiva e será aprobada por resolución da presidencia da Deputación, polo procedemento de concesión definitiva regulado na Ordenanza xeral de subvencións e transferencias da Deputación da Coruña.

8.2.- Valoración das solicitudes.

Para a valoración das solicitudes desta convocatoria seguiranse os seguintes criterios de baremación:

Antigüidade do evento.	1 punto por edición (máximo 5)
Número de días de duración do evento	1 punto por cada día (máximo 10)
Número de artistas ou colectivos de artistas participantes	1 punto/artista ou colectivo. É obrigatorio acadar un mínimo de 3 puntos (máximo 5)
Número de artistas ou colectivos galegos/as	1 punto/artista ou colectivo (máximo 2)
Número de artistas ou colectivos internacionais	1 punto/artista ou colectivo (máximo 2)
Número de artistas ou colectivos estatais	1 punto/artista ou colectivo (máximo 2)
Actividades paralelas (palestras, concertos, talleres, visitas guiadas...)	1 punto por actividade (máximo 4)
Medios de difusión do proxecto	Páxina web do evento: 2 puntos
	Redes sociais do evento: 1 punto por rede (máximo 3 puntos)
	Publicidade e comunicación (carteis, dípticos, folletos): 1 punto
Material audiovisual	3 puntos
Aplicación de TIC ao proxecto	1 punto
Paridade no xénero dos artistas convidados/as	50%-50%: 10 puntos 60%-40%: 5 puntos Menos dun 40%: 0 puntos
Nivel de cofinanciamento do evento	Entre o 21% e o 50%: 25 puntos Máis do 50%: 50 puntos

Para os efectos de documentar a orixe dos/as artistas participantes, terase como referencia a nacionalidade que figure no DNI ou pasaporte correspondente a cada un/ha deles.

As entidades deben acadar un mínimo de 50 puntos para obter a condición de beneficiarias desta convocatoria, no caso de que sexa necesaria a baremación.

Base 9. Xustificación e pago

Será de aplicación a conta xustificativa simplificada nos termos do artigo 75 do Real decreto 887/2006, do 21 de xullo, polo que se aproba o Regulamento da Lei 38/2003, do 17 de novembro, xeral de subvencións.

9.1. Prazo de xustificación.

O prazo para a xustificación das subvencións rematará o 31 de marzo de 2027 ás 14:00 horas.

9.2. Documentación xustificativa.

A documentación que se ha presentar para a xustificación é a indicada no Anexo II desta convocatoria.

Base 10.- Incumprimentos e sancións

Segundo o indicado na Ordenanza xeral de subvencións e transferencias da Deputación da Coruña.

ANEXOS DOCUMENTACIÓN

ANEXO I - Documentación da solicitude

Declaracións:

- Declaro coñecer a seguinte información en materia de protección de datos: Os datos persoais facilitados serán tratados pola Deputación da Coruña, como responsable do tratamento, co fin de levar a cabo a tramitación administrativa dos programas de subvención. As persoas interesadas poden exercer os dereitos de acceso, rectificación, supresión, oposición, limitación ao tratamento e portabilidade dos datos a través da sede electrónica da Deputación da Coruña ou presencialmente nos lugares e

registros establecidos na normativa reguladora do procedemento administrativo común.
Máis información na [Política de Privacidade](#) da Deputación.

-
- Declaro que a entidade que represento cumpre todos os requisitos esixidos aos solicitantes na Ordenanza xeral de subvencións e transferencias da Deputación da Coruña e nas bases reguladoras da presente convocatoria, e no caso de resultar beneficiario da subvención comprométese a cumprir fielmente todas as obrigas e compromisos recollidos nas mesmas e a acreditar de forma fidedigna o seu cumprimento no caso de ser requirido pola Deputación.
- A entidade que represento comprométese a utilizar a lingua galega no desenvolvemento do proxecto subvencionado e na produción escrita e oral (cartelaría, publicidade oral e escrita, redes sociais, etc.) a que dea lugar toda a actividade subvencionada, e a dar cumprimento á aquelas outras obrigas establecidas nas bases en relación coa lingua galega.
- A entidade que represento comprométese a empregar unha linguaxe non sexista e inclusiva; tratar as imaxes con valores de igualdade, presenza equilibrada, diversidade, pluralidade de roles e identidades de xénero e a recabar datos de participación desagregados por sexo no caso de estudos, estadísticas, enquisas e formularios.
- A entidade que represento comprométese a dar cumprimento as obrigas de difusión do apoio da Deputación establecidas nas bases específicas.
- No caso de que algunha das actividades que desenvolve a entidade implique contacto habitual con menores, a entidade que represento comprométese a comprobar que o persoal ao seu cargo non foi condenado por sentenza firme por ningún delito contra a liberdade sexual.

Documentación:

- Documento acreditativo da delegación da Alcaldía/Presidencia no que se especifique o alcance da dita delegación (presentación telemática das solicitudes de subvencións, sinatura electrónica de todos os documentos necesarios para a súa tramitación, incluíndo as certificacións).
- Certificación orixinal acreditativa do acordo de solicitude
- Certificacións das administracións tributarias correspondentes e da Tesourería da Seguridade Social nas que se acredite que a entidade está ao corrente nas súas obrigas tributarias e coa Seguridade Social. Poderá omitirse a presentación desta documentación sempre que autorice expresamente na Plataforma SUBTEL a consultas tributarias e non se opoña á consulta de datos da Seguridade Social.
- Memoria explicativa da actividade que se vai realizar, que debe conter:

- Breve descrición da actividade realizada nas edicións anteriores, para os efectos de comprobar que é subvencionable nesta convocatoria.
- Cronograma da proposta de realización das
- das actividades do evento durante o ano 2026.
- Plano de localización das áreas de actuación.
- Resumo do evento, incluíndo:
 - Fotos detalladas de cada obra (no caso de telas previstas).
 - Impacto das actividades relacionadas e descrición destas.
 - Número de persoas beneficiarias directa ou indirectamente.
- Declaración de ter a acreditación da titularidade da propiedade ou dereito real que posúa sobre o ben inmovible ou, no seu caso, declaración de ter a autorización do propietario.
- Compromiso de solicitar a licenza ou autorizacións preceptivas.
- Certificación expedida pola Secretaría do concello na que se acredite que hai un informe técnico no que constan os datos aportados na solicitude a efectos de baremación.
- Orzamento estimado de gastos das actividades para as que se solicita financiamento provincial, así como o importe da subvención solicitada que non poderá superar o 80% do orzamento de gastos subvencionable.
- Calquera outra documentación, compromisos ou manifestacións que sexa precisa para a valoración da solicitude.

A entidade deberá presentar a documentación esixida segundo os modelos que figuran na plataforma Subtel.

ANEXO II - Documentación xustificación

Declaracións:

- Declaración de que a entidade que RENUNCIA á parte da achega provincial non xustificada (só no caso en que os xustificantes non alcancen o importe mínimo a xustificar ou no caso en que a achega concedida, xunto cos outros ingresos percibidos para o mesmo obxecto, supere aos pagos executados) e que, no seu caso, ACEPTA o reintegro da cantidade anticipada ao non alcanzar a cantidade

mínima requerida para a xustificación.

- No caso en que a xustificación se presente fóra de prazo: A entidade que represento acepta a sanción que corresponde e consinte en efectuar voluntariamente o pagamento desta mediante compensación no pago da subvención, e non presentará alegacións nin recurso algún ao respecto (Esta declaración suporá unha REDUCCIÓN DO IMPORTE DA SANCIÓN DUN 90%).
- Os gastos presentados neste expediente como xustificación da subvención concedida foron debidamente reflectidos, na forma preceptiva, na contabilidade do concello, segundo o disposto no art. 14.1 da Lei Xeral de Subvencións.
- Declaración de que a entidade non ten pendente de xustificación ningunha cantidade anticipada pola Deputación na que xa rematara o prazo para a presentación de xustificantes.
- Declaración que a entidade fixo constar a colaboración da Deputación da Coruña en toda a información (impresa, informática, audiovisual) que se faga das actividades subvencionables.
- No caso de que algunha das actividades que desenvolve a entidade implique contacto habitual con menores, a entidade que represento comprométese a comprobar que o persoal ao seu cargo non foi condenado por sentenza firme por ningún delito contra a liberdade sexual.

Documentación:

- Acreditación da delegación da Alcaldía/Presidencia, no seu caso.
- Memoria xustificativa das actividades realizadas.
- Relación clasificada dos gastos realizados durante o período subvencionado. Este documento deberá descargarse dende a plataforma SUBTEL logo de ter completada na mesma a "Relación de gastos" cos datos dos xustificantes de gasto.
- Relación detallada dos ingresos de natureza pública ou privada obtidos para a mesma finalidade, con indicación do seu importe e procedencia, así coma dos propios ingresos que xere a actividade subvencionada ou, pola contra, manifestación de que non se obtiveron outros ingresos para a mesma finalidade.

No caso de concorrencia de subvencións públicas que estean xustificadas, poderá achegarse certificación da administración que a concedeu, na que se detallen os conceptos subvencionados e os importes xustificados e período ao que se refiren os gastos.

- Certificacións das administracións tributarias correspondentes e da Tesourería da Seguridade Social nas que se acredite que a entidade está ao corrente nas súas obrigas tributarias e coa Seguridade Social. Poderá omitirse a presentación desta documentación sempre que autorice expresamente na Plataforma SUBTEL a consultas tributarias e non se opoña á consulta de datos da Seguridade Social.
- Acreditación da titularidade da propiedade ou dereito real que posúa sobre o ben inmovible onde se realicen as obras murais ou, no seu caso, declaración de ter a

autorización do propietario.

- Acreditación do cumprimento da obriga de facer constar a colaboración da Deputación da Coruña en toda a información (impresa, informática ou audiovisual) que fixera das actividades subvencionadas.
- No caso de programas ou eventos subvencionados en anos sucesivos, presentarase declaración de que os xustificantes que se achegan son distintos dos xa presentados en exercicios anteriores.

A entidade deberá presentar a documentación esixida segundo os modelos que figuran na plataforma Subtel.

ANEXO - EXTRACTO DA CONVOCATORIA

GALEGO

Primeiro. Beneficiarios

Concellos da provincia da Coruña que desenvolvan programas ou eventos de arte urbana na súa modalidade de pintura mural, cun mínimo de tres edicións de antigüidade e que a última, previa ao obxecto da presente convocatoria, se celebrara con posterioridade ao ano 2022.

Segundo. Obxecto

As axudas obxecto da presente convocatoria refírense ás actividades para o desenvolvemento de programas ou eventos (festivais, certames) de arte urbana na súa modalidade de pintura mural que se desenvolvan en calquera dos concellos da provincia da Coruña durante o ano 2026 e que acheguen un mínimo de 3 obras exteriores orixinais en grande formato (mínimo 16 metros cadrados), de distintos artistas ou colectivos de artistas na edición do presente ano.

Terceiro. Bases reguladoras

A presente convocatoria rexerase polas Bases reguladoras publicadas no BOP.

Cuarto. Contía

O importe da consignación ascende a un total de 150.000,00 €, con cargo á partida 0510/4321/46201 do orzamento ordinario para 2026. O importe máximo das subvencións que se concedan será de 35.000 €, e a porcentaxe máxima subvencionable do orzamento de gastos será do 80%

Quinto. Prazo de presentación de solicitudes

O prazo de solicitude iniciárase ás 08:00 horas do día 21 de outubro de 2025, e finalizará ás 14:00 horas do día 21 de novembro de 2025, tendo en conta que, tanto as solicitudes coma o resto da tramitación do programa, realizarase por vía telemática a través da plataforma SUBTEL, accesible dende a sede electrónica da Deputación Provincial da Coruña.

CASTELLANO

Primero. Beneficiarios

Ayuntamientos de la provincia de A Coruña que desarrollen programas o eventos de arte urbana en su modalidad de pintura mural, con un mínimo de tres ediciones de antigüedad y que la última, previa al objeto de la presente convocatoria, se había celebrado con posterioridad al año 2022.

Segundo. Objeto

Las ayudas objeto de la presente convocatoria se refieren a las actividades para el desarrollo de programas o eventos (festivales, certámenes) de arte urbano en su modalidad de pintura mural que se desarrollen en cualquiera de los ayuntamientos de la provincia de A Coruña durante el año 2026 y que aporten un mínimo de 3 obras exteriores originales en gran formato (mínimo 16 metros cuadrados), de distintos artistas o colectivos de artistas en la edición del presente año.

Tercero. Bases reguladoras

La presente convocatoria se regirá por las Bases reguladoras publicadas en el BOP.

Cuarto. Cuantía

El importe de la consignación asciende a un total de 150.000,00 €, con cargo a la partida 0510/4321/46201 del presupuesto ordinario para 2026. El importe máximo de las subvenciones que se concedan será de 35.000 €, y el porcentaje máximo subvencionable del presupuesto de gastos será del 80%

Quinto. Plazo de presentación de solicitudes

El plazo de solicitud se iniciará a las 08:00 horas del día 21 de octubre de 2025, y finalizará a las 14:00 horas del día 21 de noviembre de 2025, toda vez que, tanto las solicitudes como el resto de la tramitación del programa, se realizará por vía telemática a través de la plataforma SUBTEL, accesible desde la sede electrónica de la Diputación provincial de A Coruña.